



Historia. Die vier Kaufleute, niederdeutsch

Vollständiger

Titel: Historia. Die vier Kaufleute, niederdeutsch

PPN: PPN674651510

PURL: <http://resolver.staatsbibliothek-berlin.de/SBB00006A8800000000>

Erscheinungsjahr: 1495

Signatur: 8° Inc 1479.5

Kategorie(n): Historische Drucke, Inkunabeln, Sprachen / Literaturen


Projekt: Art of Reading in the Middle Ages: previously digitised item

Strukturtyp: Monografie

Seiten (gesamt): 33


Seiten (ausgewählt): 1-33


Lizenz: Public Domain Mark 1.0



Inc. $\frac{1479}{5}$ 80 X

Marburg





Eyne schone hystorie van
tween kopluden vnde eyner
thuchtigen framen frauwen







MA Deme iare na Crystus geborth.
Dusent ver hundred vnde vper vnde
twentith. Is geschen to eyner tyd.
Dat veer ouer ryke koplude. Synt
vth ghetogen eyn yliker nah syner
kopenschop: Unde van vngeschycke hefft yd
spck begheuen. Dath dulle veer koplude to sa-
mende synt gekomen vnde yn guder geselschop
myt eynander na Parys in Franckrick ghere-
den in eine harberge. Unde dyt was in der tyd
des vastellauendes. duffer koplude namen we-
ren also. Conrad van Hispanien. Horchard
vā Franckrick. Johā vā Florentz. vñ Ambro-
sius van Benay. Do se de Horchard to deme
Id is nu sunderlick de tyd dath men vrolicke
wesen schal. Dar vimme leue her werth bydde
ik nu dath gy vns vramen personen. Menne
vnde vrouwen willen to gaste biddē dat se slich
mit vns vrolick maken. Uppe dat wy in vrolic-
heyt der tyd ore recht don. vnde allent wat dat
kostet wylle wy nu gudlick bethalen. De wert
dede na orem geheite vñde bath sine nabere vñ
sine beste frunde to ghasse. Se eihen vñ weren
mit eyn ander vrolick in thuchten vñ doghende
so lange went dat de dach eyn ende nam Unde
dar na ghinck eyn ylicker in sine harbargen an
sine rawe. Do behaleden de ver koplude deme
werde allent wat dat ghekost hadde. vnde se be-
gerden dar na to bedde to ghande.)

¶ Wo de werd de koplude brochte

to bedde thj samende yn eyne kamere
Do dusse koplude eine kleine wile in d' kamere
hadden gelegen vñ mánigerleye rede mit eyn
ander gesproken hadden Do hof Conrad vñ
Hyspanien an vñ seide By leuen herē. Nu sint
wy an dussem daghe seer gantz vrolick gewest
So hebben wy to huss eyn ysliker eyne schone
vrome vrouwe. Wo mogen de leuen. Do seide
Horchard van franckrick We wreeth dat. Se
sint schone vñ leuen in wollust ane grot arbeyt
Dar vñie mochten se wol hundert bolen hebbē
dat yd vnser neyne eruaren konte. Wente wy
synt vaken vñ langhe van ohen. Dar vp ant-
worde om Johan van florentz. Wy sint dorē
dat wy on so wol louen. Unde riden yn reghen
vnde wynde vñ wagen vaken liff vñ leuē So
ethen vñ dyncken se dat beste ane arbeyt vnde
veliche mit guden gesellē. Wñ dar vñie were
dat ock myn rad dat eyn ysliker eynen schone
bolen hadde Wñ lege alleyne in eynere kamere
so wusten se to huss ok nicht dar van. Do sprak
Ambrosius vñ Benay Dat wil got nicht wen-
te ik hebe to huss eine vrome vrouwe dat weet
yk vor ware de oren lyff twynget vñie mynen
woyllen vnde sodanes node dede. vnde wen yk
denn e wedder se dede vn myne truwe breck so
wer yk nicht eren wert. Do antworde om Jo-
han van florentz. Leue geselle du h'ldest gar
vele vnde grot van dynem wyue. Ik wyl myt
dy wedden vñne dusenth gulden esthe merh.

Wisset dattu myner hyr veer weckē beidest so wil ik tho Benay riden vñ wyl mit diner vrouwen vullenbringē alle mynen willen. Do sprak Ambrosius yk hebbe dem werde vinst duseut guldē geuen to beholdē legge dar so vel thegē so wil yk diner hir beiden vñ brigestu se dene to valle dat se dinē willē deit So schaltu dat gelt alle ge wūnē bebbē Also wordē se des beyde to vrede dat he dar hene ridē scholde vñ dat so vorloke

¶ Wo Johā vā Florentz reith na Benay dat he des kopmās vrouwe bedregē wolde ¶ Des andern dages sumede he nycht lāge sū der he makede sick vp den wech tho ryden nah Benay Unde vp dem wege ouerdachte he mā nigerleye lyst vñ bofsheit wo he dat gelt gewin nen mochte. Wñ also kuam he riden in de stad Benay vñ ouerdachte dar myt grotene vlyte wo he to der vrouwen komen mochte.)

¶ Wo Johan na Ambrosius vrouwen spatzeren ginck vnde he se an sende wart. ¶ In der tyd do begegēde ome de vrouwe vñ wolde yn de kerken ghan vñ dar godde denen. Do vltede he sik dat vp dat he or vnder oghen mochte begegen vñ grotede se fruntlik De vrou we danckede ome mit groten thuchten vñ myt sodanne gudem gelate dat he dar van seer vor schrack. Wñ redde wedder sick suluen este he sprecken scholde Ach wat hestu nu geweddet Alle ik de vrouwe ane see so is se sodaner seedet dat ik vā schēde wegē nicht darff an or begerē

Wā wo yk nycht de sake myt lysten an grype so
moth yk dat gelt vorlosen Also ghink he in der
stad hen vñ her wedder in grother bedrofnisse
so lange went dat he einē valsche rad erdachte
vñ seede ik en vorze yfte betruwe my netterley
wy'e dat gelt to wyinnen sunder ik kome denne
in or slapkamer Dar na leeth he maken mit gro
ter list vñ behendi heit eine schone ouer kostly
ke kyste Wā do nw de kyste bereydet wart. Do
wuste he nicht wo he dat to wegen mochte bri
gen dat he de kyste n in der vrouwe hufz brochte
vñ dar midde seer harde bekūmert warh. Wā
doch tom latesten wart he gedencken vñ seede
to syk seluen Du hefft ya vaken gehort. Wath
nemādes to wege bringen kan dat bringet eyr
olt bosz wyff to wege vñ gynck also lange vñ
went dat he tho einer vp den mar keth kuam de
hadde olde cleeder veyl vñ se was fruntlyck ge
stalt do dachte he dā h ya eyne rechte vrouwe
vor dy wo mochte yk mit or to worden komen.

¶ Wō Johan vp den market to dem olden
wyue kuam de de kleider veyl hadde

¶ Dar na ginck he to or vñ grotede se vñ sprack
vrouwe Ik hebbe heer einen rock de is my tho
sware kone gy dene my vorzopen ik wolde inu
geuen eyn gud geschenke. De vrouwe sprack
wo dure he seede to or en wil he nycht veer gul
den gelden so geuet on vor drie vñ de rock was
doch wol twelf gulde wert. Do wart dat olde
wyff fro vñ hzet one des morgēs weddskomen

vnde dach'e dat is dyn' recht kopmā. Des mo-
gens vro kam iohan wedder to dem olden wyff
Dar gaff se om ver gulden vnde se de yk kant on-
nicht durer verkopen Auer se hadde on suluen
beholden des dankede or Johan vnde sprack
Beet dar hebbe gy eynē gulden dar kopet vns
spysche vñ den alder bestē wyn vor so wille wy
vzolpck mit eynander wesen. Bath dede he dar
vmmē dat he dat olde wyff wulde drunken ma-
ken este he an or mochte vromarē wo he de ky-
sten vñ syck suluen dar inne mochte byngen in
der vrouwē hufz Do se den win vñ dat maltyd
beredeth hadde ethen vñ druncken se so lange
went dat de frouwe vrolick bethengede to wer-
den Do hoff he vp vñ se de to demē olden wyue
Bekenne gy nycht Ambrosius vrouwe se ant-
worde om vñ se de pa ik bekēne se seer wol. och
sprack he mine oldet leueste vrouwe Ik hebbe
eyne kyften maken lathen kone gy my de yn der
sulfagen vrouwen hufz bungē laten vñ my dar
inne vñ an demē drudden dage wedder her vth
bringen so wil ik iu drehundert gulden schenkē
De olde schelckynne seede tho dāne kopmanne
Dar en bekōmert iu nicht vñ se vñ bringet my
de kyfte in myn hufz so wil ik dat wol to wege
byngghen des warth he sere er vrouweth vnde
brochte or dar na de kyfte in or hufz.)

¶ Do dat olde wyff ghinc tho Ambrosi-
us vrouwen vñ bath se vñ se or kyften tho
harbergē vñ se de se wolde na sūte iacob gaen

¶ Do gink dat olde wiff to ambrosius vrouwe
vñ grotede se fruntlik De vrame erlike vrouwe
entfenc se lefflick mit groten thuchten vñ her
vrouede sick orer wente se meende dat se komē
were in groter leue vñ vruntfchap se to trosten
de in deme affwesende ores mānes vñ mit ore
redde wolde vā gotliken dinghen . Wente se
was einer erliken olden gestalt in der personen
an to seende . auer binnen was se vol aller bosz
heyt . Alse men leider noch vele vindet de dath
hōnich hebbē in dem mūde vñ de gallen in dē
hertē . Dat bewisde duth olde wyff duffer erly
ken vrouwe wente se sprak to or Leue vrouwe
yk hebbe my vor genomē eine bedeuart na sun
te Jacob to donde vñ darvñe kome ik to yuw
Este gy deme leuē hilgē iurwe almiffen vñ offer
sende wyllen des wart se vro vñ sprack Ach ya
leue vrouwe ik wil iw einen gulden geuen . den
bringet my sunte iacob vppe dat he god bidde
vor mynen leuen hufwert . wentehe dyet des pa
res mānige varlike reyfe dar vñe wyl ik dat
gerne don Do sprack dat valsche olde wif my
leue vrouwe ik hebbe myn gerede vñ cleynode
yn eine kyfte gedan dar vñe bidde yk yuw gy
willē my de beholden went dat yk wedder ko
me . De vrouwe se de vth gotlik er leue dat wyl
yk gerne don vñ wil de noch in mine eigē flap
kamer settē vppe dat se dēste beth bewaret sy

¶ Wō dath olde wyff de kyfte myt deme
valsche kōpm ī let dragē in ambrosius hufz

Daer na bath dat olde wyff twe Dreger de or de
kyste vñ den schalck dar ynne drogen to Am-
brosius hul; Also lach tohan yn der sulue kyste
vñ kōde vā binnē vp vñ to don wen he wolde
ok hadde he sine spise by sik dar in Wñ wāner
des nachtes dat he merkede dat eyn ytliker ent-
slapen were so gync he in der kamer visse her
Wñ yd geschach dat de vrouwe or kyste hadde
open vorgettē dar se or beste cleynode in hadde
dar ouer kuam dusse bose kopman vnde stal or
defflick einē perlen budel eyn gulden gurdel vñ
einen schonē rink myt einē schonen Ammetistē
Ik schiende de maen licht dat he ouer al de ka-
mer wol sehen konde. In des lach Ambrosius
vrouwe mit erer maget in deme bedde vñ werē
harde entslapen Wñ de vrouwe hadde vā ynge
schicke einen arm blot vp der deckē liggen. An
deme hadde se ein klein swart wreckin este mael
des se sich seer schemede Do he den budel vnde
de cleynode genomen hadde vñ dyt wartheikē
an der vromen vronwen gemerket hadde. Do
steych he heymelick wedder in de kysten Unde
wart des seer ervrouwet: Wente he dachte nu
wyltu myt duisem wartheyken wol bestan. vñ
ane alle vare dath gelt dar mede winne n. Daer
na am drudden dage kuam dat olde vergyft-
ghe wyff wedder visse to Ambrosius vrouwe
mit groter list vñ schalckheit vñ sede to or. Och
myne alder leueste vrouwe ik byn so swarlick
geppniget myt eynes groten kranckheyt vnde

befrucht my gantz sere dat my de so drade nicht
vozlaten wyl. Unde dar vinnne mocht ik duth
iare to huf bliuē So wil ik mine kyfē wedder
to hufz dregen laten. Do mende de thuchtighe
vzame vrouwe dat yd so in der warheyt hadde
gewest vñ leth or de kyfē wech dregen Wen
se wuste nicht dat se noch grot iāmer vā droff-
nisse dar van krygen scholde. Dod at olde wyf
de kyfē vñ den bosen kopmā in or hufz wedder
brochte Do steich Johādar vth vñ gaffcme
wpye de dre hundert gulden. de he or gelaueth
hadde vnde sचेpe de also van or.)

¶ Wo Johan wedder na Parys reeth to
Ambrosio de dar siner vorbayden was.
Dar na sumede he nicht lange sunder in groter
vzolicheit reeth he na Parys do he to Parys
kuam ginck he to ābrosius vñ nā on hemelich
ouer eyne syde. vñ se de. Du bist myn gude frunt
dar vinnne wil ik dy dulle dynck allene seggen
vppe dattu by erē bliuest Wēte dat gelt hebbe
yk gewūnen. vñ dat dat ware sy So su hir dyt
waertecken dat yk mede bracht hebbe. Do wy
se de he om den perlen budel den gulden borden
vñ den rinck. Do vorshrack ābrosius vñ se de
Ik bekēne dat de cleinode miner vrouwē sinty
Auer ik loue des nicht dat du se to valle brocht
hest. sunder du segest mi dēne andere wortekē
Do se de Johan wol an so du yo de warheken
gentslich weid wilt so segge ik dy dat vorware
dat se hest ein swarte wratte an ozem linkē arm

Alle he dusse worde gelecht hade. Do vorsehe
ack ambrosius so sere dat he gantz enechtych
warth vñ neder xp de erde seech. men he wisse
auer nicht dat he mit solker grotten lyst dar by
komen was. Do nam one iohan vñ borde one
weder xp vñ sece. Wanne hebbe doch eynes
mānes herte vñ gyl dy to vrede. Do vormande
syck ambrosius weder vñ sprack. Johan min
gude vrund. Ik bede dy openbare dusse dinck
nemande nicht. wente de wert schal dy dat gelt
gutlik geuen. Do sece iohan ik wil dat he gerne
don. He entfenck dat gelt vā ambrosio auer ne
man wusse van dem anderen we vnder ohn ge
wūnen edder verlorē hadde. Do kwam ambro
sius in grotter bedrofnisse vñ iāmer vñ wart dē
ken in syck suluen. Nu bystu doch bedrogē van
der dar ik grot hopeninge van hadde. vñ dar
vmine moth se steruen ane alle in sag he.)

¶ Do ambrosius reeth in grottem iammer
van Parys to Benay to synet vrouwen
Also reth he to huls vor de stadt. dar hadde he
einē schonē hoffeste gardē liggē butē der stad
Dar vp hadde he einen vramen knecht de ome
gantz truwe was den esschere he vor sick vnde
sprack to om. Ik vor se my grote truwe vñ leue
to dy dar vme gha her vñ swere my einē eeth
wat ik dy bede dat du dat don willest de knecht
sece ya gerne. Do sece de here ik gebede dy by
dynē truwe. Du wollest ghan in de stadt vñ seg
gē to minner frouwē dat se to my hit vth woldē.

komen wēte ik or swarlick vorbedende sy **W**ā
wen du se in dat holt bringest so bringe se van
leuende tom dode vñ stecke or den halsz aff. **W**ā
brynge my or tunghe vñ eine siechte van orem
hare to eynem warteken **D**e knecht vorschrack
vñ seide **W** min leuhere des mach ik nich: dan
wēte dat were ein grot iāmer **D**o sprak de here
vñ wō du des nich: endeust so mustu doch sulue
staruen. **D**o de knechte vornam den thorn sines
heren. **D**e ginck mit einē bedroueden herten to
syner vrouwen vñ openbarede or de to kumpst
vñ dat gebot synes herren. **D**e erlyke vrouwe
warth des sere er vrouwet dat ore leue here tho
hufz komen was **A**uer se wuste leider nicht dat
se so iammerlyken vorraden vas.)

Wo ābrofius knecht sines herrē vrouwē
i dat holt brochte vñ dar de vormordē scholde
Se ginck in grother leue mit dem knechte na
orem herren to euthfangende **W**ā des hadde se
ein kleyn lemiken vpgetogen dat or gantze wol
bewonen was vnde vth der wonhest leep yd or
pmer na went in dat holt. **D**o se nw in dat holt
kuemē do wulde de knecht ok sines herrē both
vullēbringē vñ seide to or. **W** mine leue vrouwe
yk moth iw doden vā gebodes wegen mynes
heren. **D**es vorschrack de vrouwe gat sere vñ
seide to deme knechte. **D**ch du truwe knecht yk
bydde dy dorch gode do so ouel an my armen
elende vrouwē nicht wente ik des nye vordemit
hebbe **D**e knecht seide vñ estie ik des nicht endde

so wil my mine herre suluen doden. **W**ā so hart
heft he my dat beuolen dat yk ome iuwe thuge
vñ eyne slechte vā iuwem hare bringen ichal
tho eynem wartheken. **D**e vrouwe seide. **O** leue
frunt endode my nicht ik wil dy eynē gudē rad
geuē. **W**ente wy hebbē ein cleen lemken dat ik
vp getogē hebbe. **D**eme wyl wy de kele afstekē
vñ minē rock in synem blode welgeren vñ sine
tūge nemen so wil ik dy myne slechte mit deme
hare geuē dat schaltu eme brigen to einē war
teken. **D**ar vor wil ik de p̄sūdes ein gud gesch
enke geuē de knecht seide. **O** leue vrouwe ik wil
gerne iuwes rades volgen. **m**en gy motten iu
nergen seen lathen anders wy mostē beide dar
vñie staruē. **J**a seide se dar vor schaltu dy nicht
bestuchten ik my dar wol rech; inne holdē wil.
Wā also scheide de knecht vā or vñ gink wedd
to synem heren vñ brochte om de wartheyken
alle he om beuolē hadde. **D**o kuā de here noch
in groter drofnisse dar vñie dat he sine vrouwe
hadde doden laten in so groter hasticheit dat
he or dar suluen nicht aff igesecht hadde vnde
wur vñie dat gescheen wēre. **D**o diuse vrowe
also verlosset was van dem dode do ghi nck se
pn dat elende vñ ouerdachte m̄nigerlei wylse
wo se don wolde dat mā se nicht bekende vnde
dar nae leht se syck maken mannes cleeder de
thoch se an vñ wanderde in dath elende.)

Wo se by deme mere gypk vñ by eynē
schypman kuam de se myt syck vorde.)

¶ Dar na gink se an dat mere dar vant se eyne
scypman den bath se dat he se mit sik ouer dath
mere vorde. De scypmā vragede wo se heethe
se antworde om vñ se de yk hete frederick vnde
wolde gerne na denste theē este ik wnr eynen
heren kregen kande De scypmā se de .du bist ein
vñ gefelle vñ woldestu my denstlick wesen So
hebbe ik hvr veet falken de schal ik deme kon
ninge Soldanus bringen .dat du de verhegen
konde? So wol ik dy des wol lonē. Ja sprack
se mit allem willen Also nam de scypmā frede
rick vp vñ vorde on ouer mer. Do se nw to Al
keper kuemen dar de kōnink was do brochte
se de falken deme kōninge vp sin pallas de gāt
schone vñ vrolyk werē de wple dat frederik by
on was. Auer do frederick van on gink mit de
me scypmāne do hyngen se de fyken vñ dath
houet dale wart vñ worden gantz trurich. Do
wart de kōnink sere toornich vñ heet den scypmā
wedder vor spck bringen vnde se de tho om. Ik
hebe dy beuolen gude falken to bringede. See
wat hefstu my nuw gebrocht de schipman se de
Aldeer gnedigester here her kōnink. Ik heb
be eimen vramen knecht mit my brocht de hefft
orer also wol mit grotē vly he gewart dat se
syk veliche na omz seenen do se de de kōnink so
bringk on mit dy her de schipman se de Id isto
male eyne schone vñ de subtyle gefelle dar to ok
gantz truwe vñ vrame vnde dat vñ so verlate
yk one gantz node yd doch so one tuwe gnade

gerne hebben wil So bidde ik iuwe kōnincskē
ke magestad gy iuw dessen knecht beuolen laten
wesen De kōninc seide dar schaltu neine sorghe
vor hebbē wēte ik on mit truwē voorzorgē wyl.

¶ **W**o Frederyck vor den kōninc bracht
wart dar he one vprā vor einē truwē denre
¶ **A**lse frederick vor den kōninc kuā do beuele
he om gantz wol an allen synē gelate vñ so dra
de alle one de falken vornemen do worden seh
gantz vrolyk Des syk de kōninc gar sere vor
wunderde Also denede he mit grotē vltte deme
kōninge vnde frederick beuel om so wol dath
he om sy i sunderlik ambacht beuol vnde dar
na to einem ryder sloch Dar na nicht langhe
warth epn groth staruen dat de kōninc van
fruch en wech thoch in epn ander lanth vnde
makete do frederick to epnem Lanth voghet
dat he dath lanth regheren sicholde so langhe
wendat he wedder kueme.)

¶ **W**o de heidē dem kōninge mit gewalt
yn syn land thogen do dat vorwustende)
¶ **D**o de kōninc vā hals getogen was nicht lan
ge dar na kuemen de heyden inpt gewalt yn dat
land Sodrade alle frederick de land vaghet
dat vornam sumede h: nich: lange. Wñ sterke
de syk ok mit sinem volke dat ome de kōninc
beuolen hadde vnde thoch mit grotē māheit
peghe de heyden Also erhaffsyk epn groth
mechtych stryde twy tchenne beyden parthen
Auer herre frederick de Lanth raget was

vechte riddersliken mit den sinen wedder de heyden vnde drungen se mit gewalt in de flucht dat ore vele dat geslagen worden. Ok venck frederick wele van den weldyghen heren der heyden de ome nicht entkomen konden. Also verlofede he dat lant mit groter manheyt

¶ Do dulle rede vnde manheyt vor den konink kuam Do vroude syk de vorste der groten woldath synes nyen amptmanes. Wā thoch van groten vrouden wedder to huls in sin lant frederrick en fenck synen herrē mit groten vrouden vñ werdicheit Do sprack de konink to om frederick du leue truwe tener min Ik dancke dy dy nes riddersliken steides Wā geue dy nu mer vollenkomende gewalt ouer alle min koninkrike Wā make dy vyzūdes to einē vorsten vñ landes heren. Wēnhe ik byn nu ein swere olth man Also holdygeden om dat gantz land Ok ridders vnde knechte de helden fredericken alle eynen fursten vñ heren. De regerede wol twolft iare dat om alle syn volck grote ere vñ loff na sedē)

¶ Mo Johan vā florentz kuam to Alkeier mit eyzen kostlyken krame dat he ok de gestolen cleynode mede in hadde)

¶ Do geschach dar na vp eyne tyd dat Johā vā florentz kuam to alkeier mit einē kostlykē krame Den he dat veile vñ vp gebodet hadde van mēnigerley cleynode Also ginck her frederick spasseren mit velen ridders vñ knechte alle sik dat denre geborth vnde sprack tho den denren

Wij willen besien wat vns de vromde kremer
van aventure gebrocht heft Also her frederick
vor den kram kwam Do sach he vñe her vnde
vragede he den kremer este he nicht niges edd
selsames enhadde. Do antworde om iohan vñ
sede ya gnedige here. Wat begeret inw furstly
ke gnade este se gy pchiel wat dat inw beuelleth
In deme do sach her frederick synē perle buidel
syn gulden gordel vñ den gudeu gulden rinck in
deme krame dat he om gestollen h:de des vor
wüderde he spck gantz sere vñ sprak frunt wur
kome gy her mit dussen kostlikē cleinodē. he se
de gnedige furste wen dat inw gnade wuste wu
ik dat gewüinen hebbe yuwe gnade worde my
deste leuer hebben. her frederick sede gude früd
sege vns de eventure Do hoff iohā van florētz
an vñ sede om alle geschefte Wo dat oret veer
by einander gewesen hadden vnde mit einander
gewedet vñe viff dusent gulden he wolde om
syn wyff afboelen do was se so thuchtig vñ vro
me dat ik or dat nicht an moten dorste so lee: h
ik my naken in ein kusten vñ in or hufz bringen
dar dorch yk gewā dulle cleynode dat se nycht
van en wuste vñ sede ome alle sake wo he dat
gehandelt hadde Doch gnedige here vñ furste
so erbarmet my neyn dinck so sere alle dath he
syn eigen vrane vrouwe vñe de vnschult dode
lethe do sede her frederick Id was nicht gude
sunder dat geit hebbe gy auētuerlyck gewüinen
Auar de furste gedachte anders in synē herten
b iii

vñ sede kremen gy scholen hyt bliuen vñ halen
foder vñ brot van haue. ok schole gy my behol
den de cleynode de wil ik iwo wol betalen Johā
dankede dem fursten vñ vorzroude sicks des sere
dat om de furste so fruntlick was. Men he en
wofte auer nicht wat om dar na wedder warē
scholde. Do ginck her frederick wedder heym
vñ vragede einē baden heymelick este he nicht
enwust wur genay lege he sede ia gnedige her
ik weth dat gätz wol du schalt dar hen theē vñ
vragan na einem māne de heet Ambrosius dem
giff dussen breff. Dar inne stund also gescreuē
Tho dem ersten des kōniges tytel also gynk he
van om vth wente her frederick hadde des kō
niges gelegyl dar vp gedruket gelick este on
de konnyck persoplick vth gesant hadde.)

¶ Wo de bade den briff brochte.

Ambrosio tho Benay.)

¶ In deme breue was also gescreuen Ambrosy
vop behouen ytzundes dyner in ethlyken saken
dar vns grot macht an licht. Unde dar vmine
so sume dy nycht lange vñ kome van stunde an
angefichtes dussēs breues mit dussēme vnsēme
baden dat wille wy vñie dy vordeneu Ambrosi
us nam grot wunder vā der hastigen bodescop
des kōniges. He thoch myt deme baden dar
hen. Do se nw to Alkeper kuemen do ghynek
de bade to deme fursten vnde sede Bnedige here
yk hebe den manne myt my ghebrocht. Sinder
yck moeste eynen eyghen scypmanne darh tho

meden de vns hyr vorde. Id is gud sprack her
Frederick gha hen vñ bestelle on tho ethende
vñ drincken so lange wente to morgē Do ginck
her frederick vor den kōninck vñ sprack. One
dige her her koninck Hyr sint twe auenturlike
menne vth minem heymode gekomen So byd
de ik iuwe kōnincklike gnade dat gy se wolden
to gaste bidden. de kōninck sede Hy hebben vol
lenkomen gewalt vñ dar vñie bidde wene gy
wullen de schal my wilcome syn Also wart am
brosius vñ de schipmā to gaste gebeden vñ her
Frederick hadde eyne kostlike maltyd berede
lathen alle de gheste kuemen do entfenc se her
Frederik frūtlīk vñ sattede se sulue to der tasselē
vnde sunderliken Ambrosius Dar na sathte he
sik ok nedder by ambrosius syde vñ trostede on
vaken mit vele schymp worden he scholde ethē
vñ syk vrolīck maken. Do see nw wol gethen
vñ drincken hadden. Do sede her Frederik to
deme kōninge Aw hebben wy dusse maltyd in
vrolīcheit vollenbrocht So weth pk noch einē
fromeden kremer de heft to male schone cleyne
de hyr gebrocht so wolde ik gerne dat de iuwe
kōnincklike gnade ok seen mochte vñ dar vñie
wyl pk na ome senden dath he her kome vnde
bringhe de cleynode mit syk.)

¶ Do her frederick sande na Johan vā
Florentz dath he de cleynode vor den kon
ninck bringhen scholde.)

¶ Dar na ghinck Johan vp den sale des kon

niges do entfenck one her frederick vñ sprack
kramer wilset mynē gnedigen heren deme kōn-
nige de cleynode vñ seget vns wo gy dat gewū-
nen hebben. Do hoff he an vñ seide alle dynck
wo dat gescheen were do Ambzsius dusse wor-
de hōrde vñ sine cleynode sach do vorschack he
sere vñ mende de kōninck hedde dar vinnē na
ome ghesant dat he on ok doden wolde vñ be-
drouede syk so sere dat he in vinnachte vallen
wolde dat markede her frederick de kuā to om
vñ kloppede one vp de schuldere vñ trostede
on vñ seide he scholde syck wol hebben vñ sick
vzolyck maken Dar na stund her frederik vp
vñ gynck myt dem kōninge vurhen dat pallas
vñ sprack. Wnedige her vnd kōninck wo be-
nelt iuw dusse kremer wath heft he wol worde
net de eine vrome vrouwe begeret vñie ore er
to bringende vñ stelde oz dar tho ore cleynode
dar dorch se or leuent verlust. de kōnink sprak
he heft verdenet den galgen vnde dath rath
wente he heft gestolen vñ mozt gemaket Der
Frederick sprack dat is ok myn rad. vnde dar
vñie gnedyge here ghat wedder in den Sael
so wurth iuwe kōnickyke mayestad wol eyn
groth wunder sehen van dem bosshafiyghen
man. De eynsodane gewalth vñde homod an
an einer vramen erliken vrouwen gedan heft.

¶ Wo syk her frederik naket vth thoch
vñ so vor den kōninck yn dat pallas kam
¶ Dar na gynk de kōninck wedder in dat pal

las vnde betengede mit den ghesten tho rebende
bynne der tyd ginck her frederick hemelick in
eyn kamer vnde thoch syck naket vth. Dar na
ginck he wedder in dat pallas vor den koninck
vnde vor alle dat volck de in dem Sale weren
alse one god geschapen hadde. Se grotede den
kōninck mit groten thachten. **W**ā all de in dem
sale weren verschrockē vñ konde sik nichte ge
noch verwūderē vā dem ouer schonē bilde dat
also mit bloteme liue vor se gande kuā vñ nicht
mer dan oze schēde mit einē syden doke bedecket
hadde. **D**o se de konink duth bytē hebbe yk
vorware wol eer geseen men in eyner anderen
gestalte. **W**ā wen ik dat seggē dorste so hebbe
yk nemāde mynē viedercke den lant vaget soli
ke geseen. **W**ā dar vñ bystu dath so gyff vns
antworde. **D**orch wat sake du so blot vor vns
komen byt. **D**o sprack se alder gnedigste here
her konink ik bin dat vñ iuw vnderdanige den
re frederik. **W**ā clage iuwer koniklikē gerech
ticheyt ouer den bosshastigen vñ bedrechliken
schalk Johā vā florētz de ok in iuwer konink
liken yegenwoordicheit stelt mit der deuerpe alle
mit dem budel dem borden vñ dem gulde ringe
Dat he openbar bekent heft wo he dat gekre
gē heft. **S**o segge ik iuwē gnadē dat de cleinode
myn sint vñ mines leuē herē abrosio de by iuwē
kōnikliken gnaden spytet. **W**ā ik byn de arme
elēde vrouwe de also gegeuē wart in de gewalt
des dodes. **W**ā hebbe my so lāge entholde van

der gnaden des alwefoygē godes dat my niemā
bekende wēt vp dussen dach Dir vñie bidde ik
swe kōninklike gerechticheit vp iuwer gnade
vor gesprockē worde gy wullen ordelen Dussen
bofshastigen man to deme dat he vordenet heft
De kōnink sprack he schal steruen eines smeli
ken dodes wēn he men se hal on hengen vnde
vp eyn rade legen. Dar vñie dat he heft gesto
len vñi mozt gemaket Also wart he gheantwor
det deme bodele on tho dodende.)

¶ Voo Johan van florentz geslepeth
wart mit einem perde went vp dat velt


¶ Dar na nam one de boddel vñi dede om syne
rechte alse ome de kōnink geordelt hadde. De
sted one vp dath rade vñi henck one dar na an
den lichten galgen also entfenck he syn lon dat
doch gar seidē vngestraftet bliift welke mēich
vneret vrame thuchtyge vrouwen vnde runck
vrouwen vñi on or gude gherucht benympt


¶ Voo Ambrosius vñi sine vrouwe orloff
nemen van deme kōninge vñi voren mit
eynander wedde: yn ore heymede

¶ Do se nu in grote vrolicheit eme tydlanck bi
deme kōninge hadden gewest. Nemē se orloff
van synē gnaden vñi voren in groter vrolicheit
wedder to Benay in or heymode Dar se noch
dar na lange tyd mitenander leuenden in got
lykem vrede vñi vrolicheyt. wēn he dorch de
schickyngē vñi gnade des Almechigen godes
leuēde se noch so lange dat se dar na nach kre


gen mit ein ander Dre sone vnde eine dochter
Den erste sone den se kregen den lethen se hetē
Frederick na deme anderen namen syner moder
Wā alle de ere vñ werdicheyde sin moder ge-
had hadde. ward ok deme sone ghegeuen. Ik
ward alle oz slechte dar van verhoget vñ kwe-
men to groten eren Alle velichte nach ein deile
dar van leuen moghen. Wā duth is gescheen
ame sondage na der hilgen drier kōning dage
Alle men schreff na Christus geborth. M. cccc.
vnde ym .xxiii. iare Id is nach nyh. .lxx. iare
dath desse kopmen Ambrosius gheleuech hefft
Men sine erlike thuchtigē vnde vrame frouwe
ys in deme Jare vor om verstoruen. ¶

Handwritten text, likely bleed-through from the reverse side of the page. The text is mirrored and difficult to decipher due to the bleed-through effect and the age of the paper. It appears to be a list or a series of entries, possibly related to a historical record or a collection of items.







H.



thuchtigen framen frauwen



Staatsbibliothek
zu Berlin
Preußischer Kulturbesitz